



Broj: 16-12-16-7140- ~~7~~ /24  
I. Sarajevo, 04.10.2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije od 28.10.2024. godine, na preporuku Komisije za provođenje postupka nabavke za potrebe Državne agencije za istrage i zaštitu u 2024. godini broj 16-12-16-7140/24 od 28.10.2024. godine, u postupku javne nabavke izvođenja radova na uređenju dijela parterne površine sa ogradnim zidom na Jugoistočnom dijelu parkinga za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke izvođenja radova na uređenju dijela parterne površine sa ogradnim zidom na jugoistočnom uglu parkinga u sjedištu Državne agencije za istrage i zaštitu

#### Član 1.

U postupku javne nabavke izvođenja radova na uređenju dijela parterne površine sa ogradnim zidom na jugoistočnom uglu parkinga u sjedištu Državne agencije za istrage i zaštitu, putem Konkurentskog zahtjeva za dostavljanje ponuda, korištenjem e-aukcije, na preporuku Komisije za provođenje postupka nabavke za potrebe Državne agencije za istrage i zaštitu u 2024. godini, broj 16-12-16-7140/24 od 28.10.2024. godine, ugovor se dodjeljuje ponuđaču „ENECO“ d.o.o. Istočna Ilidža, ponuda broj 16-12-16-7140-4/24 od 17.10.2024. godine, za ponuđenu cijenu u iznosu od 31.900,00 KM.

#### Član 2.

(1) Odabrani ponuđač „ENECO“ d.o.o. Istočna Ilidža, obavezan je ugovornom organu dostaviti dokaze o ispunjavanju uslova iz tačke 3.1.1. Konkurentskog zahtjeva.

(2) Dokaze iz stava (1) ovog člana (original ili ovjerena fotokopija), ponuđač je obavezan dostaviti ugovornom organu u roku od pet dana od prijema Odluke.

#### Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

## Član 4

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

## Član 5

Ova odluka stupa na snagu danom donošenja.

## O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-7140-1/24 od 30.09.2024. godine, pokrenut je postupak javne nabavke izvođenja radova na uređenju dijela parterne površine sa ogradnim zidom na jugoistočnom uglu parkinga za potrebe Državne agencije za istrage i zaštitu, procijenjene vrijednosti 40.000,00 KM bez uračunatog PDV-a, za koji je obavještenje o javnoj nabavci broj 1161-7-3-257-3-75/24 objavljeno na Portalu javnih nabavki broj 1161-7-3-257-3-75/24 od 04.10.2024. godine i „Službenom glasniku BiH“, broj 69/24 od 11.10.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godine, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godinu („Službeni glasnik BiH“, broj 50/24). Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Ugovor se po okončanju e-aukcije dodjeljuje ponuđaču koji je na kraju e-aukcije imao najnižu cijenu.

Obzirom da je tačkom 6. Konkurentskog zahtjeva navedeno da je rok za dostavljanje ponuda 17.10.2024. godine do 13:00 sati, te da se ponude dostavljaju u zatvorenoj koverti, Komisija je dana 17.10.2024. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle dvije ponude na Pisarnicu Agencije. Nakon toga se pristupilo otvaranju ponuda prema utvrđenom redosljedu:

R.br.	Naziv ponuđača	Ponuđena cijena u KM (bez PDV-a)
1.	„ENECO” d.o.o. Istočna Ilidža	40.000,00
2.	„DINALSA” d.o.o. Sarajevo	38.367,53

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14, 59/22 i 50/24) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da su ponude ponuđača: „ENECO” d.o.o. Istočna Ilidža i „DINALSA” d.o.o. Sarajevo, prihvatljive, odnosno ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove iz Konkurentskog zahtjeva.



Obzirom da je za postupak javne nabavke izvođenja radova na uređenju parterne površine sa ogradnim zidom na jugoistočnom uglu parkinga za potrebe Agencije, predviđeno provođenje e-aukcije u skladu sa Pravilnikom, Komisija je zakazala e-aukciju za dan 28.10.2024. godine sa početkom u 11:00 sati, u trajanju od 20 minuta.

Prema Izvještaju o toku i završetku e-aukcije od 28.10.2024. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

Redni broj	Naziv ponuđača	Konačna cijena u KM bez PDV-a	Umanjenje cijene	Rang
1.	„ENECO” d.o.o. Istočna Ilidža	31.900,00 KM	20,25%	1
2.	„DINALSA” d.o.o. Sarajevo	32.090,00 KM	16,36%	2

Shodno Izvještaju o toku i završetku e-aukcije od 28.10.2024. godine, Komisija je utvrdila da je ponuda ponuđača „ENECO” d.o.o. Istočna Ilidža ocijenjena kao najpovoljnija ponuda, te da ne premašuje procjenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije, te je odlučeno da se u postupku javne nabavke izvođenja radova na uređenju dijela parterne površine sa ogradnim zidom na jugoistočnom uglu parkinga za potrebe Agencije, ugovor dodjeli ponuđaču „ENECO” d.o.o. Istočna Ilidža , kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Kancelariji za razmatranje žalbi Bosne i Hercegovine, u roku od 5 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima x2;
- Sektoru za mat.-fin. poslove;
- a/a.

  
DIREKTOR  
GLAVNI GENERALNI INSPEKTOR POLICIJE  
Darko Čulum